

李義山詩集箋注

野侯書齋

三

李義山詩集卷第八

華亭姚培謙平山箋

同里劉維謙友萍閱

五言排律

五言述德抒情詩一首四十韻獻上杜七兄僕

射相公

舊唐書杜悰字永裕會昌四年七月拜中書侍郎同中書門下平章事尋加左僕射

帝作黃金闕

神異經西北荒中有二金闕高百丈中有金塔西北入兩闕中名天門

仙開白玉京

注見卷六

有

人扶太極惟嶽降元精

漢郎闔傳元精所生王之佐臣

耿賈官勲大

後漢書耿弇封好時

侯賈復封膠東侯並圖像南宮雲臺

荀陳地望清

後漢書荀淑為朗陵相陳實為太邱長皆以德行稱

旂常懸祖

德唐書悰祖佑相德順憲三宗

甲令著嘉聲

漢紀注令有先後故有令甲令乙

經出宣尼壁

注見卷七

書留晏子楹

晏子春秋晏子將死鑿楹納書謂妻曰子壯而視之及子壯發書書曰布帛不可窮窮不可服事不可窮窮不可壯

武鄉

傳陣法

蜀志建興三年封諸葛亮為武鄉侯亮推演兵法作八陣圖

踐土主文盟

晉文公盟諸侯于踐土

自昔

流王澤由來仗國楨九河分合沓

書傳河水分為九道在兗州界平原以北是

一柱

砥柱也

忽崢嶸得主勞三顧驚人肯再鳴碧虛天共轉黃道

日同行

漢書日有中道中道者黃道

後飲曹參酒

史記曹參世家來者皆欲有言參輒飲以醇酒

先和傅

說羹

書說命若作和美爾惟鹽梅

即時賢路闢此夜泰階平

黃帝泰階六符經泰階者天之三階也三

階平則陰陽和風雨時

願保無疆福將圖不朽名率身期濟世叩額慮

興兵感念殽屍露

左傳僖公三十三年晉人敗秦師于殽文公三年秦伯伐晉封殽屍而還遂霸西戎注封者埋藏其骨

咨

嗟趙卒坑

注見卷七

儻令安隱忍何以贊貞明惡草雖當路寒

松實挺生人言真可畏公意本無爭

錢箋舊唐書大中三年九月西川節度使杜棕收復維

州維州在岷山之孤峰吐蕃利其險要設計得之先是李德裕鎮西川吐蕃首領悉
怛謀以城來降德裕奏之執政者與德裕不協遽勒還其城至是收復按維州之
爭事在太和五年會昌中德裕復相嘗追論之悉怛謀已贈官矣大中繼立僧孺黨
白敏中令狐綯等共排德裕逐之時怛有收復維州之功當非執政所喜故詩有惡
草雖當路云云悉怛謀之勒歸也吐蕃戮之三百餘人冤叫呼天擲
其嬰孩承以槍槊此實以僧孺鈎黨殺降故詩有感念殲屍露云云

閣蜀志陳壽與荀勗等定故蜀丞相諸葛亮故事二十四篇以進前驅且旆旌芙蓉王儉府注見卷二

楊柳亞夫營漢書以河內守周亞夫為將軍軍細柳清嘯頻疎俗高談屢析醒宋玉風賦

清清冷冷愈病析醒過庭多令子唐書懷子裔乞墅有名甥晉書謝安與玄暉基賭別墅顧甥羊

乞音氣與人物也南詔應聞命西山莫敢驚寄辭收的博困學紀聞

的博嶺在維州端坐掃欒槍注見卷七雅宴初無倦長歌底有情檻危春

水暖樓迴雪峰晴移席牽緗蔓迴橈撲絳英誰知杜武

庫王隱晉書杜預為尚書損益萬幾不可勝數號曰杜武庫言其無所不有只見謝宣城齊書謝朓轉中書郎出為宣城太守有

客趨高義於今滯下卿登門慚後至置驛恐虛迎自是

依劉表

魏志王粲字仲宣山陽高平人獻帝西遷徙居長安後之荊州依劉表

安能比老彭雕龍心

已切

史記談天衍雕龍與注騶與修衍之文飾若雕鏤龍文故曰雕龍

畫虎意何成豈有曾黔突

韓子墨突不得黔突竈突白也黔黑也

徒勞不倚衡乘時乖巧官占象

易象

合艱貞

廢忘淹中學

史記注古儀禮出魯淹中

遲迴谷口耕

法言谷口鄭子真耕於巖石之下名震京師

悼傷

潘岳重樹立馬遷輕

同馬遷畫假令僕伏法受誅若九牛亡一毛與蟻蟻何以異而世俗又不能與死節者次比特以為智窮罪

極不能自免卒就死耳何也素所自樹立使然也

隴鳥悲丹觜

禰衡鸚鵡賦紺趾丹觜綠衣翠衿

緬蘭怨紫莖

楚詞秋蘭兮青青綠葉兮紫莖

歸期過舊歲旅夢遶殘更弱植叨華族衰門

倚外兄

百帖姑之子為外兄弟

欲陳勞者曲

韓詩伐木廢朋友之道缺勞者歌其事詩人伐木自苦其事故以為文

未

唱淚先橫

首四句敘其降生。耿賈四句敘其門地。經出四句敘其學問。自昔四句敘其柄用。得主四句敘其得君。後敘四句敘其相業。願保下八句敘復維州事。惡舛四句敘朝局故事。四句敘出鎮。清嘯四句風度之佳。南詔四句彈壓之遠。雅宴四句文酒之樂。移席四句以杜武庫謝宣城總東見其文武兼資也。有客以下自敘流落不偶而望其提攜。結語黯然而有言外之意。

今月二日不自量度輒以詩一首四十韻干瀆尊嚴伏蒙仁恩俯賜披覽獎踰其實情溢於辭顧惟疎蕪曷用酬戴輒復五言四十韻詩獻上亦詩人詠歎不足之義也

家擅無雙譽

後漢黃香傳天下無雙注夏黃童

朝居第一功

史記蕭何世家論功行封何第一

四時

當首夏八節應條風

易緯立春條風至東北風也

滌濯臨清濟巉巖倚碧

嵩鮑壺冰皎潔

注見卷三

王佩玉丁東

原注李虞決錄要注曰漢末絕無玉佩侍中王粲識舊佩始復作之今玉

佩受法
於祭也

處劇張京兆

漢書張敞守京兆尹
枹鼓希鳴市無偷盜

通經戴侍中

後漢書戴憑拜
侍中正旦朝賀

帝令羣臣能說經者更相詰難不通輒
奪其席以益通者馮重坐五十餘席

將星臨迴夜

漢書五帝坐後聚十五
星曰哀鳥即位旁一大

星將

卿月麗層穹

洪範卿
士惟月

下令銷秦盜

注見

高談破宋聲

左傳申
舟以孟

諸之役惡宋曰鄭昭宋聲昭明也聲暗也朱箋舊唐書太和六年怛為京兆尹
七年出為鳳翔隴右節度使八年授忠武軍節度使陳許蔡觀察等使京兆鳳

翔秦地也陳
許宋地也

含霜太山竹

古詩冉冉孤生
竹結根太山阿

拂霧嶧陽桐

禹貢嶧陽孤桐
注嶧山在鄒縣

北桐以向日
孤生為良

樂道乾知退當官蹇匪躬

易蹇卦王臣蹇
蹇匪躬之故

服箱青海

馬

說文大車兩較
之內謂之箱

入兆渭川熊

注見
卷七

固是符真宰

老子有真宰
足以制萬物

徒勞

讓化工鳳池春潏灩

晉書荀勗從中書監遷尚書令
人賀之曰奪我鳳凰也何賀耶

雞樹曉瞳矐

魏志劉放說王松附太祖以放參司空軍事後與孫資久典機任夏侯獻曹肇心
不平殿中有雞棲樹二人相謂曰此亦久矣其能復幾放資懼陰圖間之薦曹

爽為大將軍獻肇皆免就篇注皂莢樹一名
雞棲唐書會昌四年怛拜同中書門下平章事

領守三章約還期九

譯通薰琴調大舜寶瑟和神農

補史記神農氏作五絃之瑟

慷慨資元老

周旋值狡童

言在朝周旋值有劉稹之叛

仲尼羞問陣魏絳喜和戎

左傳晉魏絳說

悼公和戎有五利公悅使絳盟諸戎

款款將除蠹孜孜欲達聰所求因渭濁安

肯與雷同

按悼之復維州本非牛相所喜後復以餽運不繼請赦郭誼又與贊皇用兵之意不合蓋欲以中立處牛李之間故此處畧有微詞

物議將調鼎君恩忽賜弓開吳相上下全蜀占西東

唐書劉稹

平綜進左僕射兼門下侍郎未幾以本官罷出為劍南東川節度使徙西川

銳卒魚懸餌

黃石公書芳餌之下必有懸魚

豪胥

鳥在籠疲民呼杜母

後漢書杜詩為南陽太守時人方于名信臣故為之語曰前有名父後有杜母

隣國仰

羊公

晉書羊祜鎮襄陽務修德信吳邊人皆悅服

置驛推東道安禪合北宗

傳燈錄神秀嗣五祖法住

荊州當陽山號北宗時曹溪為南宗

嘉賓增重價上士悟真空

佛號無上士僧稱上士人法兩空曰真空

扇舉

遮王導

晉書庾亮出鎮江州以帝舅故內執朝權王導不能平嘗遇西風起輒舉扇自蔽曰元規塵汚人

樽開見孔融

漢紀

孔融每曰坐上客常滿樽中酒不空吾無憂矣
劉向別錄善謳歌者魯人虞公發聲清哀能動

梁塵岸柳蕪池綠園花映燭紅未曾周顗醉
世說周伯仁飲酒嘗經三日不醒時人謂之三

日僕射轉覺季心恭
漢書季布弟季心氣蓋關中遇人恭謹繫滯喧人望便蕃屬聖衷

天書何日降庭燎幾時烘早歲乘投刺今晨幸發蒙遠

途哀跛鼃
孫卿子跬步不休跛鼃千里薄藝獎離蟲
揚子或問吾子少好賦曰然童子離蟲篆刻俄而曰壯夫不為也

故事曾尊隗
郭隗前修有薦雄
揚雄終須煩刻畫聊擬更磨礪

蠻嶺晴留雪巴江晚帶楓營巢憐越燕裂帛待燕鴻
用蘇武事

自苦誠先藥長飄不後蓬容華雖少健思緒即悲翁
樂府有思

悲翁感激淮山館
注見卷一優游碣石宮
注見卷一待公三入相丕祚始

無窮

起四句總挈見其爲時所倚重滌濯四句言其品槩處劇四句言其幹略下令四句言其在鎮樂道四句言其歸朝固是下八句言其立朝心事慷慨下八句言與朝議異同物議四句言罷相復出銳卒四句言軍政肅穆置驛四句言禮賢樂道扇舉四句言公餘清晏岸柳四句言禮下之周浹繫滯四句望其復召早歲以下自敘故事四句以引薦望之蠻嶺四句敘身在東川自苦四句自傷憔悴末四句言公若歸朝不但一身之私幸已也

夜思

銀箭耿寒漏

續漢書孔壺爲漏浮箭爲刻下漏數刻以考中星昏明星焉

金釭凝夜光綵鸞空

自舞別雁不相將寄恨一尺素含情雙玉璫

注見卷三

曾前猶

月在去後始宵長往事經春物前期託報章永令虛粲

枕長不揜蘭房覺動迎猜影疑來浪認香鶴應聞露警

注見卷五

蜂亦爲花忙古有陽臺夢今多下蔡

注見卷五

倡何爲薄冰

雪消瘦滯非鄉

此客中悼往之作首四句夜字起寄恨四句接思字往事四句傷往日而思將來覺動四句則思之切而如見之也末四句又自悼自解之詞

寓懷

綵鸞餐顥氣威鳳入卿雲漢書注威鳳鳳之有威儀者長養三清境注見卷三追

隨五帝君漢郊祀志秦襄公作西時祠白帝宣公作密時祠青帝靈公作上時祠黃帝下時祠炎帝高祖問天有五帝而四何也莫知其說高祖曰

是待我而具五也乃立黑帝祠名曰北時煙波遺汲汲矰繳任云云增韻云云衆語也下界圍黃

道前程合紫氛劉楨詩書翅凌紫氛金書惟是見集仙傳大茅君南至句曲山天帝賜以黃金刻書九錫之文

玉管注見卷六不勝聞草爲迴生種述異記漢武時日支國獻活人草三草有人死者將草覆面即活香緣

却死熏述異記聚窟洲有返魂樹伐其根心於玉釜中煮取汁又熬之今可丸名曰却死香尸在地聞氣即活海明三島見

天迴九江分塞當作樹無勞援雲笈七籤月中樹名騫樹名藥王尺有八樹在月中也神禾豈

用耘真誥鄮都山稻名重思米如石榴子粒異大色味如菱亦以上獻仙官鬪龍風結陣惱鶴露成文

漢嶺霜何早秦宮日易曛星機拋密緒月杵擣藥杵也散靈氛

重押一作氲或云當作芬

陽鳥西南下

禹貢注陽鳥隨陽之鳥鴻鴈屬

相思不及羣

此自傷不遇之作通首是比體綵鷺以下十二句極言神仙之樂海明下八句乃從天上下視人間星機四句言織女嫦娥亦不免離羣之苦故因陽鳥而發孤飛之歎也

木蘭

二月二十二木蘭開坼初

本草木蘭大樹皮似桂而香花粉紅色二三月間開

初當新病

酒復自久離居愁絕更傾國驚新聞遠書紫綵何日障

注見卷三

油壁幾時車

注見卷五

弄粉知傷重調紅或有餘波痕空映

襪烟態不勝裾桂嶺含芳遠蓮塘屬意踈瑤姬與神女

集仙傳靈華夫人名瑤姬王母第二十三女

長短定何如

宋玉神女賦穠不短纖不長

首四句敘見花之日正值病酒之初離居之後發動情思全在此愁絕四句歎其容艷弄粉四句寫其粧飾桂嶺四句言庶幾桂與蓮可以並美而惜其不相見也

細雨成詠獻尚書河東公

唐書柳公綽傳公綽子仲郢咸通初以兵部尚書加金紫光祿

大夫河東男食邑三百戶

灑砌聽來響卷簾看已迷江間風暫定雲外日應西
稍落蝶粉班班融燕泥颭萍初過沼重柳更緣堤
必擬和殘漏寧無晦暝聲半將花漠漠全共草萋萋
猿別方長嘯鳥驚始獨棲府公能八詠

金華志沈約出爲東陽太守作八詠詩題於玄暢樓後人更爲八詠樓聊

且續新題

此賦細雨以自寓其情懷也首四句細雨之初稍稍四句寫其漸久必擬四句想其通夜猿別四句託猿鳥以自況而幸其得親近於主人也

病中聞河東公樂營置酒口占寄上

聞駐行春旆

後漢書謝夷吾爲鉅鹿太守行春乘柴車從兩吏

中途賞物華緣憂武昌

柳

晉書陶侃鎮武昌嘗課諸營種柳都尉夏施夜盜拔郡西門柳爲己所種侃駐車施門詰之施怖謝罪

遂憶洛陽花

何遜集

廣州宅聯句洛陽城東西却作經年別昔去雪如花今來花似雪

嵇鶴元無對

晉書嵇紹始入洛或謂王戎曰昨於稠人中見嵇紹昂昂然如野

鶴之在雞羣

荀龍不在誇

後漢書荀淑子八人並有才名時謂八龍

只將滄海月長壓赤城

霞興欲傾燕館

即碣石宮

歡終到習家

襄陽記岷山南習郁有大魚池山簡鎮襄陽每臨此池輒大醉而歸

風

長應側帽

原注隋獨孤信舉止風流曾風吹帽簷側觀者塞路

路隘豈容車

原注樂府相逢狹路間路隘不容車

樓迴

波窺錦窗虛日弄紗鎖門金了鳥

未詳

展障玉鴉

障屏障也玉鴉

又謂畫又

舞妙從兼楚

漢書高祖令戚夫人楚舞

歌罷莫雜巴必投潘岳果

晉書潘岳美姿

儀少時出洛陽道婦人遇之者投之以果滿車而歸

誰摻褊衡擗

後漢書褊衡字正平善擊鼓曹操名爲鼓吏著岑牟單絞之衣爲漁陽摻擗容

態有異音即悲壯

刻燭當時忝

南史蕭文琰即今楷江洪並以文稱

傳杯此

注慘三搥鼓也

夕賒可憐漳浦卧愁緒亂如麻

首四句從置酒本意起舊鶴四句敘人物之俊妙興欲四句想到樂營之景樓迴四句想供帳之華舞妙四句想歌舞之酣暢刻燭四句恨己之不得與此席也

擬意

帳望逢張女

潘岳笙賦輟張女之哀彈

遲迴送阿侯

注見卷一

空看小垂手

樂府解題

大垂手小垂手皆言舞而垂手也

忍問大刀頭

注見卷七

妙選茱萸帳

梁簡文帝燭賦茱萸幔裡鋪錦筵

平居翡翠樓雲屏不取暖

西京雜記趙飛燕為皇后女弟昭儀遺雲母屏風

月扇未遮

羞

注見卷三

上掌真何有

注見卷二

傾城豈自由楚妃交薦枕

樂府雜錄張永元嘉

技錄有吟嘆四曲一曰楚妃歎宋王高唐賦聞君遊高唐願薦枕席

漢后共藏閤

一作鈎漢武故事鈎弋夫人少時手拳帝披其手得一玉鈎手

得展故因為藏鈎之戲

夫向羊車覓

注見卷一

男從鳳穴求書成板楔帖

法書要錄王右

軍與親友修禊於蘭亭揮毫製序興樂而書謂有神助醒後再書終不能及右軍自珍愛之秘藏於家七傳而至智永子徽之派也舍俗爲僧居越之永欣寺後授弟子辨才唐太宗遣御史蕭翼以計賺取太宗不豫命太子以此本從葬昭陵

唱殺畔牢愁

漢書揚雄作廣騷又旁惜誦至懷沙一卷名曰

畔牢愁

夜杵鳴江練春刀解若榴

廣雅若榴石榴也

象牀穿幃網

幃網言牀慢爲網戶

紋犀帖釘窗油

集韻帖牀前帷也以薄犀爲帖釘於窗櫺

仁壽遺明鏡

陸機畫仁壽殿前有大方銅鏡高五尺餘

廣三尺二寸立著庭中向之便寫人形體了了

陳倉拂綵毬

陳倉用寶雞毬事打毬即蹴鞠戲關雞蹴鞠皆清明寒食事似合用之

真

防舞如意

拾遺記孫和悅鄧夫人嘗著膝上和月下舞水精如意誤傷夫人頰

佯蓋卧篴篴

洛陽伽藍記魏高陽

王雍美人徐月華能彈卧篴篴爲明妃出塞之曲

濯錦桃花水濺裙杜若洲

北史竇泰母夢風雷有娠期而

不產甚懼有巫者曰度河瀦裙產子必易便向水所忽見一人曰當生貴子可從而南母從之俄而生泰及長爲御史中尉王燭寶典元日至晦日並爲饋食士女瀦裙

廢魚兒懸寶劍

水經注范文本日南西捲縣奴也牧羊澗中得兩鮒魚欲私食之即知詰文云去將礪石還非魚也即至魚所果見兩石

文異之石有鐵文因入山中就石治鐵作兩刀舉刀向鄭呪曰鮒魚變化治石成刀斫石輒破者是有靈神文當治此因斫石輒如龍淵干將之斬蘆芻遂君其

地
燕子入金甌

〔西京雜記〕漢元后在家嘗有白燕銜石大如指隨后續筐中后取之石自剖為二其中有文曰母天后地乃合之遂復還合及為

后嘗置壘笥中

銀箭催搖落華筵慄去留幾時銷薄怒

宋玉神女賦類薄怒以自持子

從此抱離憂帆落啼猿峽樽開畫鷁舟急絃腸對斷翦

蠟淚爭流壁馬誰能帶

〔揚雄〕甘泉賦壁馬犀之璘瑞〔注〕作馬及犀牛為壁飾也

金蟲不復

收金蟲簪飾也

銀河撲醉眼珠串咽歌喉

〔禮記〕歌者累累乎端如貫珠

去夢隨川

后

〔曹植〕洛神賦川后靜波〔注〕川后河伯也

來風貯石郵

〔樂府〕願作石尤風四面斷行旅客齋隨筆石郵打頭逆風也郵與尤同

蘭

叢銜露重榆莢點星稠

〔春秋〕運斗樞玉衡星散為榆元命苞三月榆莢落

解佩無遺迹

〔仙〕

傳江妃二女出遊漢江湄逢鄭交甫挑之不知其神人也女遂解佩與之數十步空懷無佩女亦不見

凌波有舊遊曾來十九

首私識詠牽牛

古詩十九首其九首云迢迢牽牛星皎皎河漢女

首四句從別意總挈全篇此下二十四句皆歡會之樂銀箭下十二句乃所擬別意也。幾時二語妙上句合時不輕合也下句別時難為別也是全首關